

Шочмо эл, порылык да чын верч!

Будь готов!

10-шо (3554) №,  
2022 ий 11 март,  
кугарня.

# Имделий



1933 ий 1 февраль годсек лектеш.

0+

## Подат гай у шкода



Школым «Образование» нац-проектин «Современная школа» федерал проектше почеш чогымо.

ОБРАЗОВАНИЕ  
НАЦИОНАЛЬНЫЕ  
ПРОЕКТЫ  
РОССИИ

Марий Турек район Сардаял школын туныктышо ден тунемшыже-влак тиде кечым ятыр ий вученыт. Ынде шонымышт шукталтын: 25 февральыште у школышто онгыр йӱк икымше гана йонгалтын да ўдыр-рвезе-влак парт коклашке шинчыныт (снимкыште).


Шинчымаш храмым 60 йоча-

лан да школыш каяш ямдылалтше 20 ньогалан келышта-рыме. Кызыт школышто 34 ўдыр-рвезе тунемеш, йочасадыш 19 икшыве коштеш. Нуным 11 педагог туныкта. Ик пачашан полатыште келге шинчымашым налаш чыла йӱн уло: йонгыдо класс-влак, чапле кочмывер, спорт ден

актовый зал-шамыч, у мебель, проектор, микроскоп, компьютер, спорт инвентарь да молат. Школ кумдыкышто спорт площадкым, каныме, модмо верлам да молымат йӱнештарыме.

**Л.ГРИГОРЬЕВА** ямдылен.  
Фото-влакым Интернет гыч налме.

Фотом школ архив гыч налме.



## Икымше ончер

Эше шукерте огыл Венера Глушкова Конганур школышто тунемын. Кызыт – Йошкар-Оласе художественный училищын студенткыже. Шочмо школым пагален, самырык сүретче икымше ончержым лач тушто кельштарен. Венеран натюрморт, пейзаж, портрет жанр-влакым кучылтын сүретлыме сүретше-влак школым сӱрастареныт да йоча-влакым куандареныт. Ёдыр кажне сүретшын шочмыжо, тӱн шонымашыже, могай материалым кучылтмыжо нерген каласкален. Венера ик пашажым школан пӱлеклен (снимкыште). Ме выпускникна дене кутешнена.

**А.САМУТКИНА.**

Кужӱгер район.

## Ий еда

Йоча-влак марий калык йӱлам палышт манын, Ёярня пайремым школыштына ий еда эртарена. Теният мелнам кочна, марий модыш дене модна, рӱжге куштышна. Телым ужжатышна, шошым вашлийна. Кече шыргыжеш, да ёдыр-рвезе-шамычын тунемаш кумылышт утларак лектын.

**Н.ЕГОШИНА.**

У Торъял школ.

## Шошо толын

Мемнан дек шошо толын. Тиде пагытым пеш вученам. Ынде кечын шокшыжым утларак шижына. Кайык йӱкым колаш лиеш. Лум шулаш тӱнгалын. Йоча-влак тидлан йывыртеныт, уремыште ятыр жап модыт. Мыят яндар южышто лияш тыршем.

**Анна МИХАЙЛОВА.**

Волжский, Кугу Корамас.

## Йӱлам аралена



Фотом школ архив гыч налме.

Школышто Ёярня пайремым веселан эртарена. Ме, 5-ше ден бшо класслаште тунемше-влак, Ёярня курчакым ыштена (снимкыште). Курчаклан ковамын шке ургымо тувыржым, шовыржым чиктенна, ончылсакшыжым ушталтенна, вуйышко шымакшым шынденна да нылыте пӱчшаш йолван шовычым пидыктенна. Шкежат марий вургемым чиенна да пайрем йӱла нерген каласкаленна.

**Амалия ЗЫКИНА.**

Марий Турек, Арбор.

## Российысе увер

1-9-ше класслаште тунемше-влак финансовый грамотность дене Всероссийский онлайн-олимпиадыште **31 март марте** ушакылыштым терген кертыт. Тангасымаш **Учи.ру** платформышто эртаралтеш.

Ашнаш налме ешыште кушшо, йочапӱртыштӱ, школ-интернатыште илыше 7-17 ияш ёдыр-рвезе-влакым НТВ телеканалысе **«Ты супер»** проектш кастингым эрташ ёжыт. Йодмашым **15 май марте** колтыман.

Российысе просвещений министерствын полшымыж почеш **«Грамматики»** просветительский проект илышыш шынгаралтын. Тӱрыс увер – [teacherus.ru/grammatiki](http://teacherus.ru/grammatiki) сайтыште.

## Марий Элысе увер

**20 мартыште** И.С.Палантай лӱмеш тӱвыра да сымыктыш колледж ача-ава да выпускник-влак-лан Почмо омса кечым эртарат. 11 шагатлан тӱнгалеш.

1-11-ше класслаште тунемше да студент-влакым **«Сылнымут алмаштыш»** конкурсышко ушнаш ёжыт. Почеламутдам, ойпымашдам, йомакдам [keche1@mail.ru](mailto:keche1@mail.ru) адрес дене электрон почтыш **12 апрель марте** колтыза. 15 апрельыште иктешлымаш лиеш.

**«Марий Эл Республикысе эн сай библиотеке-влак да нунын пашаенышт»** республикысе конкурс ныл тангас дене эртаралтеш. Сенгыше-влакым **27 майыште** С.Г.Чавайн лӱмеш Национальный книгагудышто саламлат.



ШОНАМЫЛ ТУСАН



2018 - 2027

ЙОЧА ПАГЫТ

*Йоча-влак, тунеммаш-тыда, мер пашаштыда РДШ-ын верже могай? Илдын нерген шонымаш-дам редакцийышке возен колмыза.*

## Салтаклан серыш

Косолап кыдалаш школышто 6-11-ше класслаште тунемше-влак «Салтаклан серыш» всероссийский акцияш ушненыт. Кугурак ийготан ўдыр-рвезе-влак шольо-шўжарыштан серышым чын возаш, серыш калтам ышташ туныктеныт. Эн сай 15 серышым тўрлў военный частьышке колтеныт. Мўндыр Сахалинышкат ик серыш каен – тушто ик выпускникна порышым шукта.

**Вика ЗАЙЦЕВА.**

Марий Турек район.

## Пөлек – «Шонымаш отро»

Тунемше-влакын россиясе толкынышт Российын кажне регионжо гыч чолга ўдыр-рвезе-шамычым «РДШ: Остров мечты» фестивалыш чумырен. Нунын коклаште Марий Эл Республик гыч Ян Речкин (Йошкар-Ола) ден Алия Ибрагимова (Марий Турек, Косолап) лийыныт. Нуным снимкыште ужыда. Ян ден Алия РДШ-ын шочмо кечыжлан эртарыме квестыште сенгышыш лектыныт. Ўдыр-рвезе-влак квиз-модыш-лаште, марафонлаште уш-акылыштым тергеныт, Моско истории верлам онченыт. Эн кугу пөлек – «Остров мечты» модмо рўдериште жапым веселан да пайдалын эртарымаш.



ФОТОМ ЭШ АРХИВ ГЫЧ НАЛМЕ.

Изи ошкыл – кугу сенымаш



**А.ГОРБУНОВА,**  
Курыкмари районисо РДШ штабым вуйлатыше.

**Увер**

Поро пашат нерген уло республиклан палдараш кумылет уло гын, «Волонтёр говорит» республикысе конкурсыш 25 март марте ушно! Кум тангас («Мой добрый поступок», «Как я стал волонтером», «С добрым сердцем – на добрые дела») гыч иктыжым ойырен, 2 минуташ видеом войзо. Видеом #ВолонтерыМарийЭл #ДобровМарийЭл #ВолонтерыГоворят12 хэштегла дене «ВКонтакте» соцкылысе паштыкешет веранде. Тўрыс увер – dm-mari.ru сайтыште.



**Л.АНИСИМОВАН** фотожо.

Морко район Коркатово лицейысе туныктышо-влак, «Лицейсты добра» волонтер отряд (снимкыште) Донецк да Луганск республик гыч эвакуироватлыме йоча-шамычлан полышым пуэныт. Тунемме арверлам, книга-лам, модышлам поген колтеныт.

**«Добро**

**не имеет границ»** акцияш Россиясе школ-влак ушненыт. РДШ-ын активистше-влак полшымо дене икмынjar кече жапыште 70 тонн утла арверым поген колтымо.

## Чолгалыкым вянда

Школьник-влакын россиясе толкынышт тунемше-влакым иктыш уша, чолга айдемым кушта манмым ятыр гана колынам. Кодшо ийын тушко мыят ушненам. РДШ ныл направлений дене пашам ышта. Мыланем информационно-медийный утларак лишыл. Тўрлў заметкым, статьям возаш, фотосўретым ышташ йўратем. Теве кодшо ийын «Ямде лий» газет дене пентыде кылым кучымем-лан диплом ден шергакан пөлекым кучыктеныт. Тиде кугу пиал да РДШ толкынышто вянаш ошкыл.

**Аня ВИНОГорова.**

**Звенигово, 2-шо  
№-ан Красногорский  
школ.**



## Пикшла ончыко чыма



Физкультура

**В**иктория МОСКВИНА (снимкыште) Медведево районысо Юбилейный школын 9-ше классыштыже тунемеш. «Виктория» олимпийский резерв спорт школышто тренировкым эрта. Ече дене 10 ий коштеш. Тугеже палыза, спортын ты видше дене Виктория мыняр ияш кылым кучаш тунгалын?

Спорт деке удырым ачаже шуманген. Тудо шкежат тале спортсмен лийын. Тренер С.А.Кугергин дене куд ий тренировкым эртен. Кызыт Сергей Анатольевич – Викториян тренерже.

– Кумшо классыште тунеммем годым Юбилейный посёлкышто эртаралтше ече марафоннышто икымше верым налынам. Тиде мыйын икымше сенгынамеш лийын да умбакыже шуаралташ вийым ешарен, – ойла Виктория. – Кужу дисканцийыш каяш утларак йоратем. Шке виемым моштен кучылтам, чытышемат сита.

Йодышемлан вашмутым палышда, очыни? Виктория ече умбаке вич ияшыж годым

икымше гана шогалын да кызытат пикшла ончыко чыма. Арняште вич гана тренировкыш коштеш. Сенгынамеш жат уло. Марий Эл Республикын первенствыштыже шке ийготан-влак коклаште кок ий почела икымше верым сенен налын. Шукерте огыл Российын первенствышкыже миен. Всероссийский тана-сымаш Сыктывкар олаште эртаралтын.

**Е.ИВАНОВА.**



Фотом еш архив гыч налме.

### Тренер лийынам

Ик сылне каньш кечын шольымым ече дене кошташ туныктышым. Лум тений шуко толын. Икмыняр гана камвозеш гынат, нимат огыл, шонышым. Туныктен шуктышым. Куанже мыняр! Кечыгут тыршышем арам ыш лий. Ынде шольым коньки дене мунчалташ тунемнеже.

**Кристина СИДОРОВА.**  
Морко, Унчо.

*Эн кугу тапасымаш – шке дене кучедалмаш.  
Калыкмут.*

### Филворд

Спортын видше-влакым муза.

Б	О	Б	С	Л	Е	Й	С
А	Б	И	Е	Т	Д	Э	Н
К	И	Г	Р	Е	З	Ф	О
Е	А	О	Е	Н	Ю	У	У
Р	Т	Л	Г	Н	Д	Т	Б
Л	Л	Ь	Б	И	О	Б	О
И	О	Ф	И	С	Н	О	Р
Н	Н	Б	О	К	С	Л	Д
Г	Х	О	К	К	Е	Й	Ь

### Сенгынамаш

Озангыште бокс дене Юл кундем федерал округын первенствыже 15-16 ияш рвезе-влак коклаште эртаралтын. Марий Эл Республикын спортсменже-влак вий-куатыштым тергеныт. 57 килограмм марте нелытан-влак коклаште Никита Садовников (Звенигово, Кужмарий) 3-шо верыш лектын. Никита Пушков (Волжский, Приволжский) 70 килограмм марте нелытан-влак коклаште тыгаяк сенгынамашке шуын.



Фотом еш архив гыч налме.

### Пүжвүд йога – вий ешаралтеш

Эрге йочалан спорт дене поснак пентыде кылым кучыман. Мый түрлө техникым кучылтын кучедалмаш спорт секцийыш кокымшо ий коштам. Тренировка арняште кок гана лиеш. Тренер С.Ю.Христоробов мемнам кучедалаш огыл, аралалташ туныкта. Ик шагатат пеле жапыште санга гыч пүжвүд пе-еш сайын йога, вий кажне гана ешаралтеш.

**Артём ИВАНОВ.**  
Йошкар-Ола, 24-ше №-ан школ.

### Илышын ик татше

Мемнан классыште тунемше рвезе-влак мече почеш кечыгут куржталын кертыт. Футболым чот йоратат. Южгунам удыр-шамычат ушнена. Модмо годым түрлыжат лиеш, но ме вашла огына сыре – ик еш гай улына. Футбол шуаралташ полша, писылыкым, чулымлыкым ешара. Тиде школ илышын ик татше.

**Зарина ИВАНОВА,**  
**Юлиана ДЯДИЧКИНА.**  
Морко, Коркатово.

– Школышто тунеммем годымак икшыве-влакым семўзгар дене шокташ, кушташ туныкташ, поро пашам ышташ кумыл лийын. Пелаш деч посна кодмеке, шочшем-шамыч дене кагашымеке, йоча-влакым ашнаш налаш шонымаш шочын, – ойла Волжский район Памар селасе тўвыра пўртын методистше Т.А.Яранцева.

Волжский район Нурсола ял гыч Тамара Анатольевна шочмо кундемшытыже веле огыл, республикыштат шукын палат. Тудо Марий Эл Республикысе тўвыран сулло пашаенже, «Юл сем» калык ансамбльым ятыр ий вуйлата. Шукерте огыл «Йоча кумыл» йоча ансамбльым почын.

## Йоратымаш кажылан сита

Т.А.Яранцева шке жапыштыже йоратымашыжым, моштымашыжым шочмо ўдыржө ден эргыжлан пуэн гын, 2010 ий гыч ашнаш налме икшыве-влаклан пөлекла. 2010 ийыште иза ден шўжар Георгий ден Дамирам, 2013 ийыште Никитам, 2014 ийыште Натальям шке ешышкыже конден. Тамара Анатольевна нуным мураш, кушташ, семўзгар дене шокташ туныктен, шкешотан еш ансамбльым чумырен. 2012 ийыште «Лучшая семья» республикысе конкурсышто сенгышыш лектыныт. Кызыт нине ўдыр-рвезе-влакын – шке

илиш корнышт. Туге гынат аваштым огыт мондо, кертмышт семын толыт, польшкалат.

– Нине йоча-влакым йол ўмбаке шогалтымеке, чонлан йокрокын чучын. Молан эше изирак икшыве-шамычым мөңгө кондаш огыл манын шоналтенам. Кугу еш ансамбльым чумыраш кумыл эре лийын. Корно угыч йочапўртышкө наңгаен. Тушто ўдыр-рвезе-влак ўмбакет тыгай шинча дене ончат, пуйто «Мыйымат пеленда наңгайыза» маньт, – ойла поро кумылан ўдырамаш.

**Угыч йоча йўк**

2019 ийыште пўрт угыч йоча йўк дене темын. Эн ончыч йыгыр Миша ден Сашам конден. Йыгыр-влак Упшер школын 2-шо классыштыже тунемыт. Урок деч

вара ече секцийыш коштыт. Каныш кечын Упшер тўвыра пўртыштө поделкым ышташ, сўретлаш тунемыт. Тиде ийынак ик еш гыч Алёша, Валерия да Богдан суртан лийыныт.

Алёша 6-шо классыште шинчымашым пога. Рвезе спортлан шўман. Ече ўмбаке



## «Мыйымат пеленда наңгайыза»

Фотом еш архив  
гыч налме.

икымше гана ўмаште веле шогалын гынат, школышто шке тагашыже-влак коклаште – ончылно. Тыгак баскетбол секцийышке коштеш. Балалайке дене шоктен мошта, гармоньымат шупшкеда.

Валерия 4-ше классыште тунемеш. Упшер тўвыра пўртысө музыкальный школышко коштеш. Скрипке, флейте дене шоктен мошта, хорышто мура. Тудо Тамара Анатольевна ик эн ўшанле польшкалышыже. Шольыжо-влаклан урокым ышташ полша, умылтара.

Богдан ўмаште икымше гана парт коклашке шинчын. Изаже семынак спортлан шўман: ече дене писын коштеш, талын куржталеш. Акаж дечат вараш огеш код – хорышто мура.



## Яра жапыште

ўдыр-рвезе-влак чыланат Т.А.Яранцеван вуйлатыме «Йоча кумыл» ансамбльышке коштыт. Тўрлө семўзгар дене шокташ тунемыт (снимкыште), мурат. Тамара Анатольевна уныкаже-влак

ансамбльын участникше улыт. Икманах, еш ансамбль ямде.

Чолга ешыште канашат жапым муыт: ече ўмбаке шогалыт, коньки дене мунчалтат. Ўмаште, пандемий годым, рюкзакышке кочкышым оптен, чодыраште, Элнет серыште каненыт. Мече почеш куржталыныт, бадминтон дене модыныт.

– Мемнан еш – шуко еңлан пример. Кажне икшыве мутым колыштышо, келге шинчымашым налже манын тыршем. Йоча-влак тўрлө еш гыч улыт гынат, келшен илат. «Кызыт ме ик еш улына, икте-весеынам ойырышаи огынал» манын умылтаренам, – ойла Тамара Анатольевна.

Х.АЛЕКСАНДРОВА.

## Изам – сапёр

Изам шонен сапёр лияш, Элнам тушман деч аралаш. Сандене армийыш каен Да шуко еңым утарен. Изам ден мые кугешнем, Тазалыкым лач тыланем.

**Александра ИВАНОВА.**

**Национальный  
сымыктыш гимназий.**





– Ожно пörтым чоңымо верым ойырымо годым ятыр калык палым шотыш налыныт. Мутлан, эрвелмарий-влак верым идалык мучко эскереныт: телым – лум вочмым, шошым – шулымым. Тиде вереш йүдлан вүдан ведрам шындыныт. Тушто кайык пуным верештыныт гын, «сай вер, кайык пун гай пушкыдо» маныныт. Тыгак вольыкын каныме, сайын кочмо вержым онченыт. Пүкшерме ден пызле кушмо кундем келшышылан шотлалтын. Пызле осалым поктен колта манын шоненыт. Корем түреш, корнывожеш, тошто шүгарла олмеш, лопан, купан кундемлаште пörтым вераңден огытыл.

Ойрö-влакым шотыш налыныт. Кумалме верлаште пушенгым тўкаш ок лий – зияныш логалын кертат. Шкет, корнывожышто кушшо, кукшо пушенге-влак «осаллан» шотлалтыт.

Чыла ямде лиймеке, негызым пыштеныт. Тидлан шочмо але изарня келшыше кечылан шотлалтыныт. Ныл лукеш пундышым шогалтеныт. Вара вўмам погеныт. Тиде икте-весеылан польшкалымаш манме лиеш. Пörт кече гай шокшо да тылзе гай тичмаш лийже манын, пурам чевер кечан игечыште, тичмаш тылзе годым веле шындыныт. Пурам кум кече нöлтеныт.

– *Икымше кечын кум нергем чоңеныт. Марий калыкын тўняумылымашыж почеш тиде ўлыл тўням ончыктен. Эрвел могырысо икымше нерге лукеш ший оксам, межым да шурно пырчым пыштеныт. Тиде лукеш юмылукым вераңде-*

## Пörтым чоңаш – марий йўла

Кугезе коча-кована-влак пörтым чоңымо годым Ктёрлö йўлам шуктеныт, ойöрым паленыт. Суртлан негызым пыштыме деч ончыч верым, жапым, пушенгым да молымат шотыш налыныт. Пүртўсым сайын паленыт. Тидын нерген историй шанче кандидат, Т.Евсеев лўмеш Национальный тоштерыште этнографий пöлкам вуйлатыше Д.А.БАЙДИМИРОВ (снимкыште) дене мутланышна:

*ныт. Поянлык толжо, кинде, суаплык лийышт манын, тукымын эн кугу ийготан еңже Юмылан пелештен. Тыге ўлыл тўнялан надырым пуэныт. Кокымшо кечын авагашта марте нöлтеныт: тиде айдеме тўня манме лийын. Авагаштам пыштыме годым тыгак меж, пырче да окса дене надырым пуэныт. Суртын кугурак ийготан еңже кумалтыш мутым пелештен. Мыжерышке киндым, ўйым, кочывўдым пыштеныт, авагашта йымаке сака-*

*леныт. Вара кандырам руалыныт да суртозалан кўпчык дене кучыктеныт. Кумшо кечын пашам мучашленыт. Пытартыш йыжык Юмо дене кылдалтын. Тўнякык вес тўняшке кайыме верлан шотлалтын, – оила Дмитрий Александрович.*

Тыге марий калык, пörтым чоңымо йўлам радамын шуктен, икте-весым йöра-тен, пагален, икте-весеылан польшкален илен.

**Х.АЛЕКСАНДРОВА.**



Пörтым кож, пўнчö гыч утларак чоңеныт. Чодырам ноябрь мучаште-декабрь тўналгыште у тылзе годым руэныт. Пушенгым йörтымö деч ончыч Юмылан пелештеныт. «Кожын тўн вожшо кечывал вельшкыла гын, пörт нöлташ келшыше» калык палым шотыш налыныт. Руымо икымше пушенге эрвел могырыш йöрлшаш улмаш.

### Марий семўзгар

Шўвыр вич ужаш гыч шога: шўвырон (ушкапын, имнын, сöснан), шўвырпу, йытыр (семым да басым лукшо), чырпык, пуч. Шўвыронгеш шўвырпум вераңденыт. Тудым лўмегож, ваштар гыч утларак ыштеныт. Шўвырпуэш кок йытырым келыштареныт. Йытырым комбо, йўксö але турня йол лу гыч ямдыленыт. Шўвырпун кўшыл мучашешыже чырпыкым йөнештареныт, ўлып мучашешыже – пучым. Шўвырпучым ожно нöппö, лўмегож гыч ыштеныт, вара ўшкыж, ушкап тўкым кучып-таш тўнгалыныт. Бас йытырым кок вере шўтеныт, сем йытырым – ныл вере. Шўвырым утларакше тўмыр дене пырля шоктат.



Россий Федерацияйсе цифровой виагмаш, связь да массовый коммуникаций министерствын окса польшыж дене лукмо.

## Салам, шошо!

Сылне телым пешак йўштö.  
Пыртак öрым, мом ышташ?  
Пöртыштö шинчаш ок кўштö:  
Перкала, ўжеш модаш.

А пасушто мамым лумжо  
Шийла койын йылгыжеш.  
– Ечым чие, – мане тудо.  
Мунчалташ лекташ ўжеш.

Шиждеак поран тарваныш,  
Ыштыш лум орам йырваш.  
А кунам тўтан лыпланыш,  
Лекна корным эрыкташ.

Ок чактаре йўштö кече,  
Лум ок лўдыктö мемнам.  
Кече шулдара ик кечын,  
Шошо, шошо, ший салам!


**Ксения БУТЕНИНА.**

**Морко, Эгерсола.**

**16 март – Тўрлö  
чийн карандаш-влакын  
кечышт.**

Карандашым шу-ештмеке, шўкшым кудалташ ида вашке.

Тудын дене кеч-могай сўретым сöрастараш лиеш.



### Тушто

Сылне модыш мый улам, кажне ўдырлан келшем.



Кужэгер район Конганур кыдалаш школ пеленысе йоча-садыш коштшо икшыве-влак воспитатель-шамыч дене пырля лум танкым ненченыт. Ача, коча, иза-влакым Шочмо элым аралышын кечыж дене саламленит.

**В.ГЛУШКОВАН фотожо.**

## Эре шарнена

Мый Поянсола школын икымше классыштыже тунемам. Кажне урокышто ум да онайым пален налам. Шукерте огыл обелиск воктеке мийышна. Кугу Ачамланде сарыште тыныс илыш верч кредалше кугезе коча-кованам шарналтышна, пеледышым пыштышна.


**Александра БОЯКОВА.**

**Звенигово район.**

### Ой-кагаш

**Задачым писын да чын ышташ тунемына.**

- ✕ Задачым тўткын икмын-яр гана лудса.
- ✕ Условий почеш схемым ыштыза.
- ✕ Кажне действийым возыза.
- ✕ Вашмутым чын пуыза.



### Палаш онай

➔ Ик пушенге гыч 300 тўжем карандашым ышташ лиеш.

- ➔ Графит карандашым 300 ий ончыч ыштыме.
- ➔ М.В.Ломоносов Российыште, Архангельский губернийыште, икымше карандаш фабрикым почын.

М.Шкетан лумеш Марий кугыжаныш драме театр

### МАРТ

**17 ия** 18:00 **ЙЫВАН КЫРЛА. ПУТЁВКА В ЖИЗНЬ** С. Пектеев 18+  
Документальный драме 1 шөг. 30 мин.

**18 пт** 18:00 **СНЕГУРОЧКА** А. Островский 12+  
Лирическая комедия на русском языке 2 час. 30 мин.

**19 шм** 16:00 **ТЕБЕ КУШТО ИЛЫШЕТ!** З. Долгова 12+  
але Маринавт-Влак / Вот где жизнь! или Маринавты Комедий 2 шөг. 20 мин.

**23 ср** 14:00 **FOLKS** С. Пектеев 6+  
Сказки народов мира 1 час.

**26 шм** 15:00 **ТОРЕШВАТЕ** С. Николаев 12+  
/ Угрошение строптивой Комедий 2 шөг. 20 мин.

КАССЕ (8362) 78-13-78

SHKETAN.RU

– *Авай, математике дене задачым олмешем ыштен керташ?*  
– *Уке, Ваню, йоньлыш лиеш.*  
– *Чимат огыл, тый кеч тыршен ончо.*



«Ямде лий» газет  
Тўн редактор  
**Л.Н.ГРИГОРЬЕВА.**  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.pf](http://yamdelii.pf)

**УЧРЕДИТЕЛЬ-ВЛАК:** Мари-Эл Республикысе культур, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште по-гымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.  
Номер – ПИ № Ту52-01335,  
2021 ий 29 сентябрьыште пуымо.

0+

Печатьш пуымо жап –  
14-00,  
фактически – 13-00

Авторын да редакцийын шонымашышт тўрлö лийын кертыт. Серыш-влак мөнгеш огыт колталт.  
Ак – кутырен келшыме почеш.

Редакцийын да издательын адресше:  
424006, Йошкар-Ола, СССР Вооружённый Вийын 70-ше идалыкше урем, 20-шо пöрт.  
Тел. 8(8362) 45-22-82(факс)



**Конкурс**



**Максим ЕМЕЛЬЯНОВ.**  
Шернур, Марисола.




**7-ше номеран Морко йочасадыш коштшо ўдыр-рвезе-влак.**



**Кира ВЕСЕЛОВА.**  
У Торьял, Токтарсола.



**Радамым умбакыже шуйыза.**



**Машинам сўретлыза да чиялыза.**

**Маркыжым палышда мо!**



**Синквейн**

Уто пылым муза.

Тумна  
Сур, шеме.  
Чонештылеш, мала, кочкеш.  
Колям куча.  
Кайык.  
**Яна РЕПИНА.**  
Советский, Ёрша.

**Пале мут**

**Лўм мут**

**Ушем мут**

**Пеледыш-влакын лўмыштым палыза да ушыза.**

**Гортензий**



**Тюльпан**



**Крокус**



**Гиацинт**

**Шотлыза. 5 лектеш гын, шер-влакым нарынче тўс дене чиялыза. 10 лектеш гын, узарге дене.**



**Калыкмут-влакым чын ушыза.**

Шемгорак толмеке,

шошо йўштө пытен.

Турня вашке толеш –

шошо эр лиеш.

Ваштар вўд йога гын,

лум тылзе кия.

**Интернетысе сўрет-влакым кучылтмо.**